

Við komu í höfn: Skipsheiti, kallmerki eða skipaskrárnúmer, komustaður og tími.

5. gr.

Vegna móttöku og áframsendingar tilkynninga greiða eigendur skipa þeirra og báta, sem undir reglugerðina falla gjald til Póst- og símamálastofnunar.

Gjald þetta skal birt í gjaldskrá og reglum fyrir símaþjónustu, og miðist það við stærð skips.

Ef kostnaður Póst- og símamálastofnunar vegna tilkynningarskyldunnar, þ. m. talinn kostnaður sem leiðir af 7. gr. laganna, verður umfram tekjur af gjaldi þessu þá greiðist hann úr ríkissjóði.

6. gr.

Í Reykjavík skal starfrækja eftirlitsmiðstöð, sem tekur á móti og safnar saman tilkynningum er berast frá strandarstöðvum.

Hlutverk eftirlitsmiðstöðvar er með aðstoð tilkynninganna að hafa sem gleggsta yfirsýn yfir staðsetningu allra íslenskra skipa, og fylgjast með því að engar skyldu-tilkynningar vanti.

Telji eftirlitsmiðstöðin að ástæða sé til eftirgrennslunar, leitar eða björgunar, skal hún þegar gera nauðsynlegar ráðstafanir og hafa um þær samráð við alla þá aðila er aðstoð geta veitt við eftirgrennslan, leit eða björgun.

7. gr.

Allur kostnaður við eftirlitsmiðstöðina, þar með talinn fjarskiptakostnaður, greiðist úr ríkissjóði.

8. gr.

Brot gegn reglugerð þessari varða sektum.

9. gr.

Reglugerð þessi, sem sett er samkvæmt lögum nr. 40 13. maí 1977, staðfestist hér með til að öðlast þegar gildi og birtist til eftirbreytni öllum þeim er hlut eiga að máli.

Jafnframt fellur úr gildi reglugerð nr. 154 24. maí 1968 um sama efni og reglugerð nr. 194 10. júní 1969 um breytingu á henni.

Samgönguráðuneytið, 8. maí 1979.

Ragnar Arnalds.

Brynjólfur Ingólfsson.

S A M Þ Y K K T

um stjórn Neskaupstaðar.

I. KAFLI.

Skipan bæjarstjórnar og verkefni hennar.

1. gr.

Bæjarstjórn Neskaupstaðar er skipuð 9 bæjarfulltrúum, kjörnum samkvæmt lögum nr. 58/1961.

2. gr.

Bæjarstjórn Neskaupstaðar er almennt í fyrirsvari fyrir kaupstaðinn og ber að gæta hagsmuna hans í hvívetna.

Meginverkefni bæjarstjórnar eru þessi:

- a. Hún fer með yfirstjórn í fjárreiðum kaupstaðarins.
 1. Fyrir lok desembermánaðar ár hvert ber bæjarstjórn að gera áætlun um tekjur og gjöld kaupstaðarins fyrir næsta reikningsár (almanaksár). Í fjárhagsáætlun skal greina í meginatriðum, hvernig fjárveitingum til einstakra stofnana og framkvæmda skuli hagað, sbr. B-lið. Enn fremur skal tekið fram, hvernig áætlaðar tekjur greinast.
 2. Hún hefur á hendi yfirumsjón með fjárstjórn kaupstaðarins og gætir þess, að tekjur séu innheimtar og greiðslur inntar af hendi í samræmi við það, sem ákveðið er í fjárhagsáætlun.
 3. Hún hefur yfirumsjón með því, að eignir kaupstaðarins séu tryggilega varðveittar.
 4. Hún kveður á um lántökur fyrir kaupstaðinn. Þó er bæjarstjóra heimilt að taka rekstrarlán til skamms tíma án sérstakrar samþykktar bæjarstjórnar.
 5. Hún kveður á um ábyrgðir bæjarsjóðs. Heimilt er þó bæjarráði að taka fullnaðarákvörðun um ábyrgð bæjarsjóðs, sé ekki um meiri háttar fjárhæð að ræða og nægilega örugg trygging að baki að dómi bæjarráðs.
 6. Hún skal hafa lagt fullnaðarúrskurð á ársreikninga kaupstaðarins eigi síðar en í júlímánuði ár hvert.
- b. Bæjarstjórn hefur yfirumsjón verklegra framkvæmda kaupstaðarins. Í fjárhagsáætlun kveður hún á um hvernig verklegum framkvæmdum skuli hagað í meginatriðum á fjárhagsárinu. Hún getur gert heildaráætlun um framkvæmd tiltekinna verkefna, svo og um einstök verk, eftir því, sem ástæða þykir til.
- c. Bæjarstjórn kys eða ræður bæjarstjóra, kys bæjarráð og aðrar nefndir eftir því, sem segir í samþykkt þessari, eða öðrum samþykktum, svo og endurskoðendur bæjarreikninga. Enn fremur skipar hún fasta starfsmenn bæjarins og ákveður laun þeirra.
- d. Bæjarstjórn setur reglur um stjórn bæjarmálefna og reglur um meðferð tiltekinna málefna bæjarins, ákveður gjaldskrár bæjarfyrirtækja, eftir því, sem þörf krefur o. s. frv.

II. KAFLI.

Fundarsköp bæjarstjórnar.

3. gr.

Á fyrsta fundi eftir bæjarstjórnarkosningar, skal bæjarstjórn kjósa sér forseta og 1. og 2. varaforseta úr hópi bæjarfulltrúa. Kjörtímabil þeirra skal vera hið sama og kjörtímabil bæjarstjórnar, nema bæjarstjórn ákveði styttri kjörtíma, er kosning fer fram.

Sá er réttkjörinn forseti, sem fengið hefur atkvæði meira en helmingis bæjarfulltrúa. Verði þeim atkvæðafjöldi eigi náð, skal kjósa að nýju, og skal þá kjósa um þá tvo, sem flest fengu atkvæðin. Ef þrír eða fleiri, sem um skyldi kjósa, hafa fengið jafnmörg atkvæði, skal varpa hlutkesti um hverja tvo skuli kjósa. Verður sá réttkjörinn, sem fleiri atkvæði fær, þó að hann fái ekki helming atkvæða. Verði atkvæði jöfn, ræður hlutkesti úrslitum. Aldursforseti gegnir forsetastörfum, uns forseti hefur verið kjörinn.

Ef enginn forseta er viðstaddur á fundi bæjarstjórnar, gegnir aldursforseti forsetastörfum, nema bæjarstjórn ákveði að kjósa sérstakan forseta í það skipti.

Ef forseti deyr eða varaforseti, eða verður varanlega forfallaður frá störfum, áður

en hans kjörtími er á enda, skal kjósa forseta í hans stað fyrir þann tíma, sem eftir er kjörtímans.

4. gr.

Forseti bæjarstjórnar stýrir umræðum á fundum hennar. Hann sér um, að fundargerðir séu skipulega færðar í gerðabók og allar ályktanir séu rétt og nákvæmlega bókaðar. Forseti sér um, að allt fari löglega og skipulega fram á fundum bæjarstjórnarinnar. Hann úrskurðar um skilning á fundarsköpum, samkvæmt samþykkt þessari, en skjóta má úrskurði hans til bæjarstjórnar, er sker þá úr.

5. gr.

Bæjarstjórn kýs tvo skrifara og tvo varaskrifara úr hópi bæjarfulltrúa á þeim fundi bæjarstjórnar, er kýs forseta. Kjörtími þeirra er hinn sami og forseta. Skrifarar skulu kosnir hlutfallskosningu.

Skrifarar skulu telja saman atkvæði, þá er atkvæðagreiðslur fara fram.

6. gr.

Bæjarstjórn ræður sérstakan fundarritara utan bæjarstjórnar, sem sér um færslu gerðabókar og hafa skrifarar í samráði við forseta, eftirlit með því, að rétt sé fært til bókar. Bæjarstjórn ákveður þóknun til fundarritara.

Í gerðabók skal getið hvar og hvenær fundur er haldinn og hverjir sitji fundinn. Fundargerð hvers fundar skal lesa upp í fundarlok og skulu allir viðstaddir bæjarfulltrúar undirrita hana. Hver bæjarfulltrúi, sem ekki er samdóma hinum, á rétt á því, að ágreiningsálit hans sé ritað með fáum orðum í gerðabókina.

7. gr.

Bæjarstjórn heldur fund einu sinni í mánuði, nema í júlí og ágúst. Reglulegir fundir, skulu að jafnaði haldnir fyrsta þriðjudag í hverjum mánuði, og skulu þeir hefjast kl. 16.

Aukafund skal halda skv. ákvörðun bæjarstjóra, forseta bæjarstjórnar, eða ef þeir bæjarfulltrúar hið minnsta krefjast þess.

Bæjarstjóri boðar fundi bæjarstjórnar.

8. gr.

Bæjarstjóri semur dagskrá bæjarstjórnarfundar.

Á dagskrá skal taka:

1. Fundargerðir bæjarráðs og annarra lögmætra nefnda, sem þurfa staðfestingar bæjarstjórnar á ályktunum sínum.
2. Hvert það mál, sem fellur undir verksvið bæjarstjórnar skv. 2. gr. samþykktar þessar, sbr. og 10. gr. laga nr. 58/1961, enda sé þess óskað af bæjarstjóra, bæjarráði, lögmætri nefnd eða bæjarfulltrúa, að málið sé á dagskrá tekið.
3. Kosningar nefnda og starfsmanna, svo og hvert það málefni annað, sem bæjarstjórn á um að fjalla að lögum.

Sá, sem óskar að fá mál tekið á dagskrá bæjarstjórnar, skal tilkynna það bæjarstjóra skriflega eigi síðar en fimm sólarhringum fyrir fund. Heimilt skal þó bæjarstjóra að verða við óskum, að mál sé tekið á dagskrá þó síðar berist, enda hafi ósk um það borist áður en dagskrá er send bæjarfulltrúum.

Bæjarstjóri skal í síðasta lagi þrem sólarhringum fyrir fund hafa sent öllum bæjarfulltrúum dagskrá hans. Aukafundir skulu að jafnaði boðaðir með dagskrá einum sólarhring fyrir fund. Í dagskrá skal tilkynna fundarstað og tíma, þær fundargerðir, sem fyrir liggja, tillögur, sem fram hafa komið, og gera í stuttu máli

grein fyrir þeim málum öðrum sem um skal fjallað. Fylgja skulu eftirrit fundargerða, tillagna, svo og annarra gagna, sem geta orðið til upplýsinga um málefni á dagskrá, eftir því sem bæjarstjóri telur nauðsynlegt. Mál skulu afgreidd í þeirri röð, sem dagskrá segir. Þó er forseta heimilt að víkja frá röð mála á dagskrá, enda fallist bæjarstjórnin á breytinguna. Heimilt er forseta að taka mál á dagskrá, þótt þess sé ekki getið í fundarboði, enda samþykki $\frac{2}{3}$ viðstaddra bæjarfulltrúa þau afbrigði.

9. gr.

Á reglulegum fundarstað bæjarstjórnar, skal auglýsa fundi hennar með a. m. k. sólarhrings fyrirvara Einnig skulu fundir auglýstir með blaða- eða götuauglýsingu, með sama fyrirvara.

10. gr.

Bæjarstjórnarfundir skal halda í heyranda hljóði. Bæjarstjórn getur þó ákveðið að ræða einstök mál fyrir luktum dyrum, t. d. einkamál manna, eða mál, sem æskilegt er, vegna hagsmuna bazarins, að rædd séu fyrir luktum dyrum. Ef tillaga kemur fram um það, að mál skuli rætt fyrir luktum dyrum, skal úr því skorið án umræðna.

Óheimilt er að skýra frá því, sem fram kemur við umræður fyrir luktum dyrum. Raski áheyrandi á bæjarstjórnarfundum fundarfríði, getur forseti látið vísa honum út.

11. gr.

Bæjarstjórn getur enga ályktun gert, nema meira en helmingur bæjarfulltrúa sé á fundi. Afl atkvæða ræður úrslitum mála. Bæjarstjóri og hver bæjarfulltrúi getur borið fram breytingartillögu við hvert það mál, sem til umræðu er, og bæjarstjórn á úrskurðarvald um. Skulu þær vera skriflegar, nema forseti telji þess ekki þörf.

Veita skal forseti fundarmönnum ráðrúm til að semja tillögu á fundi ef þörf krefur. Þó skulu breytingartillögur við afgreiðslu mála, sem samkvæmt þessari samþykkt þarf tvær umræður um, hafa verið tilgreindar í dagskrá og afhentar bæjarstjóra skriflega, sem um sérstaka tillögu væri að ræða, sbr. 8. gr. Þó er heimilt að veita afbrigði í þessum efnum, með meiri hluta atkvæða.

Ef jafnmörg atkvæði eru með máli og móti, fellur það, nema við kosningar, þá ræður hlutkesti.

Mál má afgreiða með því að samþykkja það eða fella, vísa því frá með einfaldri eða rökstuddri dagskrá, vísa því til afgreiðslu bæjarstjóra eða nefndar, eða með því að fresta því.

Forseti ákveður hvernig atkvæðagreiðslum um tillögur verður hagað.

12. gr.

Bæjarstjórn afgreiðir mál við eina umræðu, nema fjárhagsáætlun kaupstaðarins og fyrirtækja hans, ársreikninga og reglugerðir, sem hljóta skulu staðfestingu ráðherra.

Um þessi mál skulu fara fram tvær umræður og líða ein vika hið skemmsta milli umræðna.

13. gr.

Atkvæðagreiðsla fer þannig fram, að bæjarfulltrúi réttir upp hægri hönd. Nafnakall skal viðhaft, ef forseti ákveður, bæjarstjóri óskar eða bæjarfulltrúi. Við nafnakall greiða bæjarfulltrúar atkvæði eftir skrá um bæjarfulltrúa í stafrófsröð. Nöfnum varafulltrúa skal bæta inn á skrána í réttri stafrófsröð í stað nafna þeirra, sem fjarstaddir eru.

Hlutkesti ræður á hverjum byrja skal.

Við nafnakall er bæjarfulltrúa skylt að greiða atkvæði, nema hann færi fyrir undanfærslu sinni rök, er forseti metur gild.

Ef bæjarfulltrúi vill ekki una úrskurði forseta, má hann skjóta úrskurðinum til bæjarstjórnar, sem sker úr án umræðna.

14. gr.

Hver bæjarfulltrúi, sem taka vill til máls, skal óska heimildar forseta. Að jafnaði skulu menn taka til máls í þeirri röð, sem þeir hafa kvatt sér hljóðs. Heimilt er að víkja frá þessu, ef um er að ræða bæjarstjóra eða framsögumann, svo og bæjarfulltrúa, sem vill gera stutta athugasemd eða leiðrétta ummæli um sjálfan hann.

Ef tveir eða fleiri kveðja sér samtímis hljóðs, ákveður forseti í hvaða röð þeir tala.

Bæjarfulltrúi skal standa við sæti sitt, þegar hann talar, nema forseti ákveði annað. Bæjarstjórn getur heimilað, að maður utan bæjarstjórnar megi tala á bæjarstjórnarfundi, en skylt er honum að gæta í hvívetna fundarskapa.

15. gr.

Flutningsmaður tillögu eða framsögumaður, má tala þrisvar við hverja umræðu máls. en aðrir bæjarfulltrúar tvisvar. Bæjarfulltrúa er þó heimilt að taka oftari til máls, til að bera af sér ámæli, eða gera stutta athugasemd um fundarsköp. Ef bæjarfulltrúi vill beina fyrirspurn til bæjarstjóra um málefni, sem ekki eru á dagskrá, skal hann hafa hana skriflega og afhenda með sama fyrirvara og um tillögu væri að ræða. Þó er forseta heimilt að leyfa, að fyrirspurn sé borin fram á fundi, enda samþykki bæjarstjóri afbrigðin.

16. gr.

Bæjarfulltrúi skal beina máli sínu til forseta. Ekki má lesa prentað mál, nema með leyfi forseta.

17. gr.

Ef forseti telur umræður dragast úr hófi fram, getur hann lagt til, að ræðutími hvers einstaks fulltrúa megi ekki fara fram úr ákveðinni tímalengd, eða umræðu sé hætt.

Þá getur forseti hvenær sem er lagt til, að umræðum skuli lokið á ákveðnum tíma. Ekki má þó takmarka umræðu svo, að hún standi skemur en tvo tíma, meðan nokkur bæjarfulltrúi kveður sér hljóðs.

Bæjarstjórn afgreiðir tillögur forseta samkv. 1. og 2. mgr. umræðulaust. Tveir bæjarfulltrúar hið fæsta geta borið fram slíkar tillögur, og skulu þær einnig afgreiddar umræðulaust.

Ákvæði um takmörkun ræðutíma eiga ekki við, þegar fjallað er um frumvarp að fjárhagsáætlun.

18. gr.

Skylt er bæjarfulltrúa að hlíta valdi forseta í hvívetna, er að því lýtur að gætt sé góðrar reglu.

Ef bæjarfulltrúi ber aðra menn bríglum, eða víkur verulega frá umræðuefni nu, skal forseti víta hann og nefna þau ummæli, er hann vítir.

Ef bæjarfulltrúi er víttur tvisvar á sama fundi, getur forseti lagt til við bæjarstjórn, að hann verði sviptur málfrelsi á þeim fundi. Skal sú tillaga afgreidd umræðulaust. Ef bæjarfulltrúi hlýðnast ekki úrskurði bæjarstjórnar eða almenn óregla kemur upp á fundinum, skal gera hlé um stundarsakir, eða, ef nauðsyn krefur, slíta fundi.

III. KAFLI.

Réttindi og skyldur bæjarfulltrúa.

19. gr.

Hverjum bæjarfulltrúa er skylt að sækja fundi bæjarstjórnar, nema lögmæt forföll hamli.

Honum er skylt að taka að sér þau störf, sem bæjarstjórn felur honum, t. d. forsetastörf, setur í bæjarráði eða öðrum nefndum, skrifarastörf o. s. frv. Sá, sem verið hefur forseti bæjarstjórnar, setið í bæjarráði eða annarri nefnd, getur þó skorast undan kosningu jafnlangan tíma og hann hefur haft starfið á hendi.

20. gr.

Bæjarfulltrúum er heimilt að kynna sér skjöl kaupstaðarins.

21. gr.

Hver bæjarfulltrúi á rétt á tiltekinni þóknun fyrir störf sín í bæjarstjórn eftir ákvörðun bæjarstjórnar. Þóknun ákveðst í desember ár hvert.

22. gr.

Ef bæjarfulltrúi, kosinn í nefnd eða til annarra starfa forfallast um stundarsakir vegna veikinda eða af öðrum ástæðum, á hann rétt á að tilnefna mann af sama lista og hann var kjörinn, til að taka sæti hans á meðan, enda hafi varafulltrúi ekki verið kjörinn. Hafi hann engan tilgreint, fer um varamann samkv. 2. og 3. mgr. 20. gr. sveitarstjórnarlaga.

23. gr.

Bæjarstjórn getur veitt bæjarfulltrúa, sem óskar þess, lausn frá starfi.

IV. KAFLI.

Bæjarráð.

24. gr.

Að afloknum bæjarstjórnarkosningum skulu kosnir hlutfallskosningu þrír bæjarfulltrúar í bæjarráð og jafnmargir til vara. Þó mega varamenn vera úr hópi fyrstu varabæjarfulltrúa.

Kjörtími bæjarráðs er eitt ár og fer kosning fram í júnímánuði. Bæjarráð kys sér formann og ritara. Kjósa má bæjarstjóra formann, þó hann sé ekki kjörinn í ráðið.

Bæjarráð heldur að jafnaði tvo fundi í mánuði. Kveðja skal bæjarráð saman til aukafunda, ef bæjarstjóri telur ástæðu til, eða einhver bæjarráðsmaður óskar.

Bæjarstjóri undirbýr fundi bæjarráðs og sér um, að fundarboð sé tilkynnt bæjarráðsmönnum með að minnsta kosti sex stunda fyrirvara. Formaður sér um að allt fari löglega fram á fundum og úrskurðar ágreiningsmál út af fundarsköpum.

Í gerðabók skal greint frá því hvar og hvenær fundur sé haldinn og hverjir sitji hann. Þar skal greint frá dagskrármálum og efni þeirra í stuttu máli, svo og hverja afgreiðslu þau fá.

Um fundarsköp bæjarráðs fer eftir sömu reglum og gilda um bæjarstjórn, eftir því sem þær geta átt við.

25. gr.

Bæjarráði er heimilt að ráða til lykta málum, sem ekki eru veruleg fjárhagsatriði, enda sé ekki ágreiningur í bæjarráði, né við bæjarstjórn um afgreiðsluna.

26. gr.

Bæjarráð hefur eftirlit með fjárstjórn kaupstaðarins. Það undirbýr árlega fjárhagsáætlun og sér um, að ársreikningar séu samdir.

Undir bæjarráð heyra málefni vatnsveitu, vegamál, holræsamál, fasteignamál, brunamál og öll önnur mál, sem ekki eru falin sérstökum nefndum í samþykkt þessari, eða ályktunum bæjarstjórnar.

27. gr.

Skýlt er starfsmönnum bæjarins að sitja fundi bæjarráðs, þegar til umræðu eru málefni, er störf þeirra snerta, og þess er óskað af bæjarstjóra eða bæjarráði.

V. KAFLI.

Um bæjarstjóra.

28. gr.

Bæjarstjórn ræður bæjarstjóra. Ráðningartími hans skal að jafnaði vera hinn sami og kjörtímabil bæjarstjórnar.

Heimilt er að ráða bæjarstjóra til lengri tíma, en þá er ráðningarsamningur uppsegjanlegur af beggja hálfu með sex mánaða fyrirvara, hvenær sem er, eftir að kjörtímabilinu er lokið.

Nú næst ekki meiri hluti í bæjarstjórn fyrir ráðningu bæjarstjóra, svo að bæjarstjóri er í andstöðu við meirihluta bæjarstjórnar, og getur þá ráðherra ákveðið að bæjarstjórnarkosningar skuli fram fara á ný.

29. gr.

Bæjarstjóri hefur á hendi framkvæmd ákvarðana þeirra, sem bæjarstjórn gerir, og framkvæmd á málefnum bæjarins yfirleitt að því leyti, sem bæjarstjórn hefur ekki ákveðið annað um tiltekin mál.

30. gr.

Bæjarstjóri á sæti á fundum bæjarstjórnar og bæjarráðs og hefur sömu réttindi og skyldur sem bæjarfulltrúar.

Honum er rétt að sækja fundi í nefndum bæjarstjórnar og stjórnunum stofnana bæjarins, og skýlt er honum að sækja slíka fundi, sé þess óskað af viðkomandi nefndarformanni eða forstöðumanni stofnunar.

Ekki hefur hann atkvæðisrétt, nema hann sé jafnframt bæjarfulltrúi, bæjarráðsmaður eða nefndarmaður. Hann hefur óbundið málfrelsi og tillögurétt á fundum bæjarstjórnar, bæjarráðs og nefnda.

31. gr.

Nú samþykkir bæjarstjórn ályktun, sem hefur verulegan kostnað í för með sér, sem ekki hefur verið gert ráð fyrir á gildandi fjárhagsáætlun, án þess að gera jafnframt fullnægjandi ráðstafanir til að afla fjár til að standast þennan kostnað, og getur bæjarstjóri þá fellt slíka ályktun úr gildi um sinn, og skal ákvörðun hans færð í gerðabókina.

Um þetta skal hann svo fljótt sem verða má senda ráðuneytinu skýrslu og leggur það úrskurð á málið.

Bæjarstjóri skal senda bæjarstjórninni eftirrit af skýrslunni, svo að hún geti gert athugasemdir við hana, áður en hún fer til ráðuneytisins. Þá getur bæjarstjóri skotið til fullnaðarákvörðunar bæjarstjórnar, ályktunum bæjarráðs, sbr. 24. gr.

32. gr.

Útgjöld, sem ekki eru lögbundin, samningsbundin eða leiða af fyrri samþykktum bæjarstjórnar, má ekki greiða, nema til komi samþykkt bæjarstjórnar. Ekkert gjald má greiða úr bæjarsjóði, nema bæjarstjóri eða staðgengill hans ávísi því til greiðslu.

33. gr.

Bæjarstjóra er heimilt að fela öðrum að gegna störfum sínum í forföllum. Stendur sú ákvörðun óhöggud, nema bæjarráð eða bæjarstjórn geri aðra skipan.

Forfallist bæjarstjóri um lengri tíma, skal bæjarráð setja mann til að gegna störfum hans, þó ekki lengur en þrjá mánuði í senn.

VI. KAFLI.

Endurskoðendur.

34. gr.

Bæjarstjórn kýs tvo endurskoðendur til eins árs í senn og tvo til vara til þess að endurskoða reikninga bæjarins og fyrirtækja hans.

Bæjarfulltrúar eru ekki kjörgengir til þessa starfs. Um framkvæmd endurskoðunar fer eftir ákvæðum d-liðs III. kafla laga nr. 58/1961.

Endurskoðun skal lokið ekki síðar en 30. júní ár hvert. Endurskoðendur eiga rétt á þóknun fyrir starf sitt eftir ákvörðun bæjarstjórnar.

VII. KAFLI.

Um kosningu, skipan og starfssvið nefnda.

35. gr.

Bæjarstjórn kýs eftirtaldar nefndir og starfsmenn til að fara með tiltekin málefni eftir því, sem lög mæla fyrir eða samkvæmt sérstökum samþykktum bæjarstjórnar:

a. Til eins árs:

1. Bæjarráð: 3 bæjarfulltrúar og 3 til vara.
2. Byggingarnefnd: Fimm menn þar af a. m. k. tveir bæjarfulltrúar. Varamenn skulu kosnir fyrir þá, sem ekki eiga sæti í bæjarstjórn.
3. Hafnarnefnd: 3 bæjarfulltrúa og tvo menn utan bæjarstjórnar. Varamenn skulu kosnir fyrir þá, sem ekki eiga sæti í bæjarstjórn.
4. Kjörstjórn: 3 aðalmenn og 3 varamenn.
5. Endurskoðendur bæjarreikninga: 2 aðalmenn og 2 varamenn.
6. Fjallskilanefnd: 3 menn.
7. Fjórir fulltrúar á aðalfund Sambands sveitarfélaga í Austurlandskjördæmi.

b. Til fjögurra ára á fyrsta fundi nýkjörinnar bæjarstjórnar:

1. Félagsmálaráð: 5 aðalmenn og 5 til vara.
2. Sjúkrahússtjórn: 3 aðalmenn og 3 til vara.
3. Framtalsnefnd: 3 aðalmenn og 3 til vara.
4. Heilbrigðisnefnd: 5 aðalmenn og 5 til vara.
5. Skólanefnd: 5 aðalmenn og 5 til vara.
6. Iðnskólanefnd: 5 aðalmenn og 5 til vara.
7. Tómsundaráð: 5 aðalmenn og 5 til vara.
8. Sjúkrasamlagsstjórn: 4 aðalmenn og 4 til vara.
9. Náttúruverndarnefnd: 5 aðalmenn og 5 til vara.
10. Safnanefnd: 5 aðalmenn og 5 til vara.

11. Kjörskrárnefnd: 3 aðalmenn og 3 til vara.
12. Umferðarnefnd: 5 aðalmenn og 5 til vara.
13. Menningarnefnd: 5 aðalmenn og 5 til vara.
14. Skipulagsnefnd: 5 aðalmenn og 5 til vara.
15. Sögunefnd: 3 aðalmenn og 3 til vara.
16. Stjórn Verkamannabústaða: 3 aðalmenn og 3 til vara.
17. Einn mann til að annast forðagæslu og einn til vara.
18. Fimmtán menn í sjó- og verslunardóm.
19. Tvo sáttamenn og tvo til vara.
20. Einn mann í fulltrúaráð Brunabótafélags Íslands og einn til vara.
21. Endurskoðendur Sparisjóðs Norðfjarðar: Tvo aðalmenn og tvo til vara.
22. Tvo fulltrúa á Landsþing Sambands íslenskra sveitarfélaga og tvo til vara.
23. Einn fulltrúi í stjórn Veðiræktarfélags Norðfjarðarhrepps og einn til vara.
24. Tvo fulltrúa í stjórn Byggingarlánasjóðs Neskaupstaðar og tvo til vara.
25. Einn mann í stjórn Lífeyrissjóðs Neskaupstaðar og einn til vara.
26. Áfengisvarnanefnd: 3 aðalmenn og 3 til vara.

36. gr.

Um skipan nefnda, valdsvið þeirra og verksvið fer eftir því, sem ákveðið er í lögum eða samþykkt bæjarstjórnar. Þar sem ekki er um slíkar reglur að ræða, getur bæjarstjórn sett þær.

Ekki má framselja nefnd vald, sem bæjarstjórn er fengið að lögum. Þegar kjörtími nefndar er óákveðinn, skal litið svo á, að umboð nefndarinnar falli niður, þegar kjörtími bæjarstjórnar er á enda, nema um sé að ræða nefnd, sem fengið hefur til úrlausnar ákveðið og afmarkað verkefni. Þá skal litið svo á, að starfi hennar ljúki fyrst er verkefnið er til lykta leitt.

37. gr.

Nú andast maður, sem kosinn hefur verið í nefnd, flyst á brott eða forfallast varanlega á annan hátt, og skal þá kjósa annan mann í hans stað það sem eftir er kjörtímans. Skylt er að gefa þeim flokki eða flokkum, sem kusu hinn forfallaða mann af lista við hlutfallskosningar, kost á að tilnefna eftirmanninn.

Þetta á þó ekki við um bæjarfulltrúa, þegar varabæjarfulltrúa ber að taka sæti hans.

VIII. KAFLI.

Um starfsmenn bæjarins.

38. gr.

Bæjarstjórn skipar fasta starfsmenn bæjarins og veitir þeim lausn, eftir því, sem nánar segir í samþykkt þessari, nema vald til slíks sé að lögum fengið öðrum aðilum, eða á annan hátt mælt fyrir um sérmál tiltekinna stofnana. Fastir starfsmenn bæjarins teljast þeir einir, sem skipaðir eru í störf skv. 1. mgr. og taka laun samkv. launasamþykkt bæjarins eða launasamningi, sem bæjarstjórn hefur samþykkt.

Bæjarstjórn ákveður hvort auglýsa skuli til umsóknar stöðu hjá kaupstaðnum og fyrirtækjum hans, en bæjarstjóri ákveður um slíkar auglýsingar að öðru leyti, þar á meðal hvernig auglýsa skuli.

Bæjarstjórn getur ákveðið hver almenn skilyrði skuli gilda um skipun í stöðu hjá bœnum, svo og sérskilýrði, sem gilda skuli um ákveðnar stöður.

Sá, sem hlotið hefur fasta skipun í stöðu, á rétt á að halda henni meðan hann rækir stöðuna þannig, að ekki verði að fundið.

Bæjarstjórn getur sett starfsmönnum erindisbréf og kveðið þar á um starfs-svið þeirra.

Skýlt er starfsmönnum að hlíta breytingu á starfssviði sínu, enda missi þeir ekkert af launum sínum við það.

Samþykkt þessi, sem bæjarstjórn Neskaupstaðar hefur samið og samþykkt, staðfestist hér með samkvæmt lögum nr. 58 29. mars 1961, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin samþykkt um stjórn bæjarmála í Neskaupstað, nr. 81/1963.

Félagsmálaráðuneytið, 17. maí 1979.

F. h. r.

Hallgrímur Dalberg.

Hólmfríður Snæbjörnsdóttir.

REGLUGERÐ

um búfjárhald í Stykkishólmi.

1. gr.

Búfjárhald (nautgripa, hrossa, svína, geita, sauðfjár og alifugla) er óheimilt innan afgirts skipulags lands Stykkishólms, nema með sérstöku leyfi hreppsnefndar. Allt búfjárhald í kaптúninu er þó gjaldskýlt samkv. 5. gr.

2. gr.

Sá sem hyggst sækja um leyfi samkv. 1. gr. skal senda skriflega umsókn til hreppsnefndar. Í umsókninni skal gera grein fyrir fjölda búfjárins, geymslu þess og öðru sem máli skiptir um öryggi þess og aðhald. Hreppsnefnd getur þó veitt félögum búfjáreigenda heimild til að úthluta leyfum innan skipulagðra svæða og standi félögin skil á leyfisgjöldum til hreppsnefndar.

Hreppsnefnd getur falið félögum búfjáreigenda umsjón með smölun, böðun og öðru er varðar búfjárhald.

3. gr.

Telji hreppsnefnd að skilyrði séu fyrir hendi skal hún veita leyfið, (til lengri eða skemmri tíma). Má veita það ákveðinn tíma eða tiltaka ákveðinn frest til afturköllunar. Ef leyfishafi brýtur reglur um meðferð búfjár t.d. gætir þess ekki á fullnægjandi hátt, má afturkalla leyfið að undangenginni aðvörun.

4. gr.

Ef maður heldur búfé án heimildar sem reglugerð þessi nær til, skal lög-reglustjóri hlutast til um að það sé tekið úr vörslu hans og er heimilt að selja það á uppboði eða slátra því að undangenginni aðvörun. Sama gildir ef leyfishafi gætir ekki settra reglna um meðferð búfjárins, þannig að það veldur tjóni eða óþrifum.

5. gr.

Hreppsnefnd getur ákveðið að greiða skuli í sveitarsjóð gjald fyrir veitt leyfi þó ekki hærri en kr. 1 000 á ári, einnig er hreppsnefnd heimilt að leggja á sér-